



Broj: 06-11-2751-6/22
Ilidža, 20.07.2022. godine

Na osnovu člana 69. stav (3) Zakona o javnim nabavkama BiH ("Službeni glasnik BiH" broj: 39/14), i Preporuke Komisije za javne nabavke, općinski načelnik donosi:

ODLUKA O OTKAZIVANJU POSTUPKA JAVNE NABAVKE 73/22

I
OTKAZUJE se postupak javne nabavke koji je pokrenut Odlukom broj 06-11-2751-1/22 od 26.05.2022.g. o pokretanju otvorenog postupka nabavke radova **Izvođenje radova na uređenju i opremanju površine javne namjene (pješačka zona), trg Sabita Hadžića i Školski trg sa međusobnom vezom u ul. Mala Aleja – Ilidža Centar**, broj obavještenja o nabavci sa portala javnih nabavki 888-1-3-157-3-99/22 od 27.05.2022. godine.

II
Postupak se otkazuje iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Obrazloženje

Na osnovu Odluke o pokretanju postupka javne nabavke broj 06-11-2751-1/22 i Obavještenja o nabavci broj 888-1-3-157-3-99/21 od 27.05.2022. godine, pokrenut je otvoreni postupak javne nabavke za **Izvođenje radova na uređenju i opremanju površine javne namjene (pješačka zona), trg Sabita Hadžića i Školski trg sa međusobnom vezom u ul. Mala Aleja – Ilidža Centar**. Procijenjena vrijednost javne nabavke iznosi 1.535.000,00 KM.

Ponude su blagovremeno dostavili:

1. Konzorcij MEVLUDIN COMMERC d.o.o. Sarajevo, i ILIDŽA PUTEVI d.o.o., Istočna Ilidža
2. MIBRAL d.o.o., Sarajevo
3. Konzorcij Braća Mujić export import d.o.o. , i HP Investing d.o.o. Mostar i
4. DINALSA d.o.o. Ilidža

Analizom ponuda utvrđeno je da su sve ponude prihvatljive. Obzirom da je za ovu nabavku predviđeno provođenje e aukcije, ugovorni organ je istu zakazao za 27.06.2022.g.

Dana 19.07.2022.g., Služba za razvoj, komunalne poslove i puteve, koja je pokrenula predmetni postupak javne nabavke je dopisom br.12-interno-965/22-2 od 18.07.2022.g. dostavila Komisiji za javne nabavke i Službi za finansije-Odsjeku za javne nabavke akt Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo br. 05-13-15543/22 od 18.07.2022.g.

U gore navedenom aktu Ministarstva stoji da su u projektu " Uređenje i rekonstrukcija trgova ispred KSC -trg Sabit Hadžić i Školski trg, te pješački put prema Maloj Aleji broj 67", utvrđene neusklađenosti sa članovima 6., 8. i 11. Pravilnika o tehničkim uslovima sistema javne rasvjete Kantona Sarajevo ("Službene novine Kantona Sarajevo", br.23/20 i 26/20).



Neophodno je izvršiti dopunu projektne dokumentacije elektro dijela odnosno izmjene i usklađivanje sa zahtjevima Pravilnika o tehničkim uslovima sistema javne rasvjete Kantona Sarajevo ("Službene novine Kantona Sarajevo", br.23/20 i 26/20)

Ministrstvo konstatuje da su u projektu predložene dvije varijante svjetiljki:

-14 svjetiljki S1: snage 226W, izlaznog fluksa 30.875 lm, 3000K, efikasnosti 136 lm/W

-11 svjetiljki S2: snage 72 W, izlaznog fluksa 10.937 lm, 4000K, efikasnosti 152 lm/W.

Potrebno je da oba tipa svjetiljki zadovolje tip 4. iz Pravilnika o tehničkim uslovima sistema javne rasvjete Kantona Sarajevo tako da:

- snaga svjetiljke iznosi max do 80W, izlazni fluks minimalno 8.500, efikasnosti min 155 lm/Wlm za svjetiljke proizvedene 2022/2023.

- svjetiljke se trebaju postaviti na stubove visine 8 m dok je Tenderskoj dokumentaciji, u Predmjeru i predračunu radova predviđena visina stuba 6 m

Neophodno je postupiti po instrukciji navedenog Ministarstva te izvršiti tražene izmjene kako bi se stekli uslovi da Ministarstvo komunalne privrede i infrastrukture Kantona Sarajevo, nakon izvršenih radova, preuzme dalje upravljanje nad sistemom javne rasvjete.

Na osnovu navedenog, u postupku predmetne nabavke utvrđeno je da postoje dokazivi razlozi izvan uticaja ugovornog organa a koji se nisu mogli predvidjeti u vrijeme pokretanja postupka javne nabavke, te su se stekli zakonski uslovi za otkazivanje postupka javne nabavke.

Iz navedenih razloga a primjenom člana 69. stav (3) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se izjavljuje ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjerka.

OPĆINSKI NAČELNIK

Nermin Muzur, magistar uprave

Dostavljeno:

1. Konzorcij MEVLUDIN COMMERC d.o.o., ul. Zeleni put 39, Ilidža i ILIDŽA PUTEVI d.o.o., ul. Ravnogorska bb, Istočna Ilidža
2. MIBRAL d.o.o., ul. Srebrenička 1, Sarajevo
3. Konzorcij Braća Mujić export import d.o.o. , ul. Džemala Bijedića 212, Ilidža i HP Investing d.o.o., ul. Bišće polje bb, Mostar
4. DINALSA d.o.o., ul. Huseina Đoze 3, Ilidža
5. Stručna služba-Kabinet Općinskog načelnika
6. Služba za razvoj, komunalne poslove i puteve
7. Stručna služba za zajedničke poslove (radi objave na WEB stranici)
8. Služba za finansije
9. a/a